

Protocol da la radunanza generala dals 8 december 2022, a las 20.30 illa chasa cumünala Misoch

Preschaints

Christian Poo, Jon Buchli, Andri Poo, Mario Rauch, Braida Pinggera, Peder Poo, Not Buchli, Evar Zanetti, Andri Gritti, Sara Rauch, Armon Nuotclà, Mario Riatsch, Seraina Riatsch, Cla Rauch, Marina Buchli, Tina Weiss, Cristina Gregori, Christoph Weiss, Andri Linsel, Gianna Rauch, Jan Sedlacek, Silvio Vital, Corina Caviezel, Natalia Roner, Georg Buchli, Elisabeth Sarott, Reto Rauch, Aita Dermont-Stupan.

Tractandas

1. salüd dal president e s-chüsas
2. tscherna scrutinadurs
3. protocol da la radunanza generala 2021
4. rapport annual dal president
5. rapport da la chaschiera e dals revisurs da quint
6. rapports dal schef da cuorsa, schef da turas, delegià Traversada e Stafetta tras Sent
7. mutaziuns ed onurificaziuns
8. tschernas
9. fixar contribuziun annuala
10. program da l'on
11. varia

1. salüd dal president e s-chüsas

A las 20.30 po il president Christian Poo salüdar a 28 commembras e commembers. S-chüsats s'han la chaschiera Sabina Stricker, Chasper Alexander Felix, Selina Poo, Men Bischoff, Maja Bischoff, Monika Roner, Ruedi Bisang, Marianne Werro, Sybille Ovenstone, Andi Ovenstone, Curdin Preuss, Coni Benderer, Dominique Benderer, Roland Franziscus, Flurin Weiss, Mischa Weiss, Lilo Mock, Tina Maria Ritz, Michel Conradin, Dumeng Jann, Flurina Jann, Annatina Nuotclà, Plasch Caviezel, Chasper Buchli, Anna Barbla Buchli, Gian Caviezel e Cla Sarott

La radunanza s'adoza per ün minut da silenzi in memoria da Fluri Pinggera chi'd es mort la stà passada. Fluri Pinggera es stat ün commember activ, d'ürant blets ons ün passlunghist paschiunà. Sco anteriur president vaiva el eir quintà differentas episodas d'ürant las festivitats da 100 ons Club skiunzs Sent.

L'invid es gnü tramiss tenor statüts, uschè cha la radunanza es abla da trar decisiuns.

2. tscherna scrutinadurs

Sco dombravuschs vain elet Reto Rauch.

3. prelecziun dal protocol da la radunanza generala 2021

Il protocol da la radunanza generala 2021 es gnü tramiss insembel cul invid. El vain approvà sainza cuntravuschs.

4. rapport annual dal president

Il president rapporta davart l'inviern passà, eir quist on amo parzialmaing suot l'insaina da corona. Il program ha pudü gnir realisà listess tenor program cun pacs pitschens

adattamaints. El ingrazcha a tuots pella bella partecipaziun a tuot las occurrenzas. In ögl ha dat impustüt la gronda partecipaziun da famiglias. Causa quella partecipaziun e'l sustegn pro tscherts arrandschamaints sco voluntaris, pudaina eir adüna profitar dad üna bella contribuziun da CHF 1500.- dal cumün.

El rapporta davart ils arrandschamaints dal club: il tir da tschoccas a Sur En, las cuorsas dal club quista jada cun ün slalom gigantesc cun duos parcuors, la gita sü Niruns, las 2 gitas chi sun gnüdas realisadas quist on, la Stafetta tras Sent e la Traversada. Pro la stafetta es gnüda organisada eir l'ustaria davart dal club. Implü han commembers dal club eir sustgnü pro'ls arrandschamaints: coppa mundiala da snowboard, Passlung Martina – Scuol, la cuorsa da ski alpinissem Mottup e'l di da sport da J+S chantunal.

Eir l'OJ da Nordic Scuol e l'OJ Motta Naluns vegnan sustgnüts da nos club.

Per finir seis pled ingrazcha il president a sia collega e seis collegas dal comité ed a tuot ils commembers per lur sustegn. Ella ingrazcha eir als sponsurs dals premis. El giavüscha a tuots ün bel inviern cun blera naiv e sainza accidaints.

5. rapport da la chaschiera e dals revisurs da quint

Causa cha la chaschiera nun ha pudü esser preschainta pervi d'üna puoncha, preschainta Andri Poo il rendaquint da l'on scuors. Quist on serra giò il quint cun ün guadogn da CHF 1897.- CHF. Il chapital agen importa uossa CHF 30'789.33. Quist guadogn es fich allegraivel.

La revisura da quint Braida Pinggera e'l revisur Chasper Buchli han revais il quint. Braida Pinggera preschainta quist rapport. Il quint vain fat bun cun dar dis-charg als organs respunsabels.

In quist'ocasiun vegna darcheu decis cha la suprastanza possa dispuoner d'ün import da CHF 1000.- chi sta illa cumpetenzza da decider dal comité sves.

A la chaschiera pertocca ün ingrazchamaint per tuot sia lavur instancabla e bun megldramaint.

6. rapports dal schef da cuorsa, schef da turas, delegià Traversada e Stafetta tras Sent

Il schef da cuorsa Jon Buchli, rapporta davart la cuorsa dal club darcheu in ün möd ün pa special. 48 curraduras e curridurs han fat part da quist arrandschamaint, da quels d'eiran 15 famiglias, üna partecipaziun da famiglias da record. La cuorsa da passlung ha eir darcheu pudü avair gnü lö in fuorma d'ün passlung da not a Ftan. La partecipaziun da 13 d'eira ün pa plü pitschna co avant corona. I mancaivan impustüt ils uffants. La rangaziun ha lura gnü lö in occasiun da la Stafetta tras Sent. El ingrazcha fich a Roland Franziscus chi piglia fingià daspö lösch il temp per nossas concurrenz. Implü ingrazcha Jon Buchli al club pel regal e pel star spalier d'ürant lur nozzas.

Il schef da turas, Andri Poo po comunichar chi s'haja pudü far d'ürant l'inviern passà 2 turas. La prüma d'eira sü'l Piz Davo Lais cun bell'ora. I s'han partecipadas 9 commembras e commembers. La seguonda tura es statta sü'l Piz Tasna cun üna skiada davant giò ed üna cuorta muntada fin sü'l spi tanter il Piz Oscar e'l Piz Nair. 12 persunas s'han partecipadas a quist arrandschamaint. Quist inviern esa darcheu previs da far duos gitas. Las datas provisoricadas sun publichadas sü'l plan da l'on. In cas da spostamaints gnissan quels publichats illa chaistina chi's rechatta dadaint l'entrada dal Sport Champatsch.

Quist on nun ha gnü lö ingüna traversada. Reto Rauch orientescha ch'üna pitschna delegaziun indigena s'haja partecipada a la stafetta da la chamonna Oberettas illa chamonna Sesvenna. Spranza chattan in avegnir darcheu daplüs partecipants dal Vnuost la via eir in Fenga e's partecipeschan a nossa traversada. La prosma Traversada varà lö als 1. lügl 2023. Il comité da la Traversada spera cha quai gnia a funcziunar eir culs novs guardgiachamonnas da la Sesvenna. El prevezza da pussibiltar da s'annunzchar a partir dal principi da marz 2023.

Nataglia Roner preschainta il rapport da la Stafetta tras Sent. La 39avla Stafetta tras Sent ha funcziunà fich bain, eir causa il sustegn dal team da l'ustaria. I s'ha darcheu fat tragets cuorts per promover eir a famiglias cun uffants pitschens. I s'han partecipadas 22 squadras. Ella ingrazcha implü a tuot quellas chi han fat tuortas pell'ustaria, a Roland Franziscus chi piglia il temp, sco eir a Nesa Caviezel ed Ivonne Taverna sco samaritans chi füssan quia per cas urgjaints. L'ustaria ha gnü lö in chasa da scoula causa l'ora dubiusa.

7. mutaziuns ed onurificaziuns

Sco novs commembers vegnan bivgnantadas las sequaintas personas: Celine e Dario Molinaro, Flurin Weiss e Romana Poo.

Sorti da la società es Karl Hauser.

Elisabeth Sarott dvainta commembra libra causa ch'ella es fingià daspö 40 ons commembra dal Club skiunzs Sent.

Daspö 25 ons commembers e veterans dvaintan Seraina Felix e'ls duos Duri's Valentin.

8. tschernas

Tenor statüts ston gnir reelets d'ürant ils ons pèrs il president, la chaschiera e'l schef da turas. Christian Poo, Sabina Stricker ed Andri Poo as mettan a disposiziun per ün'ulteriura perioda d'uffizi e vegnan reelets cun applaus.

Uschè as cumpuona il comitè inavant sequaintamaing:

president:	Christian Poo
actuar:	Mario Rauch
chaschiera:	Sabina Stricker
schef da cuorsa:	Jon Buchli
schef da turas:	Andri Poo

revisurs da quint: Braida Pinggera e Chasper Buchli

9. fixar contribuziun annuala

La contribuziun annuala vain fixada sün CHF 25.- per personas sainza commembranza da Swiss-Ski. Ils commembers cun commembranza da Swiss-Ski pajan CHF 50.-.

10. program da l'on

Il program da l'on es gnü protramiss e vain preschantà dal president. El manzuna cha novas ideas sajan adüna bainvissas e dessan gnir dattas inavant ad el. In special manzuna el chi darà üna surpraisa pel giubileum da 40 ons Stafetta tras Sent e tira attent chi gnia organisà ün arrandschamaint da stà in connex cul giubileum da 5 ons Cuvel da l'iva renovà.

11. varia

Il president manzuna cha'l comitè haja decis da sustgnair inavant eir a giuvenils chi nu sun aint ill'organisaziun RPN e sun in otras structuradas organisadas cun imports congualabels da quels chi s'ha pel RPN. Da quist sustegn profitan pel mumaint Valeria Benderer, Marina Benderer, Isai Näff, Noe Näff e Fabiana Wieser. Quai as prevezza eir da far inavant, scha las finanzas permettan quai.

A Cla Rauch ingrazcha il president per sia lavur da comunicaziun culla pagina d'internet e surdà ün regal per arcugnoscher quista lavur. Roland Franziscus survain ün regal per seis sustegn sco tempader. Andri Gritti fa adüna las glistas pellas cuorsas. Buolf Näff e Curdin Preuss han sustgnü als OJ's sco trenaders e survegnan eir ün pitschen preschaint dal president. Isai e Noè Näff han per part eir sustgnü a lur bap in chosa.

Corina Caviezel ingrazcha fich a la suprastanza per tuot lur lavur e manzuna il plaschair schi cuntinua sco fin uossa.

Georg Buchli ingrazcha fich al club pel regal in nom da l'anteriur comitè da la traversada. Quel ha pudü gioldair ün di illas fortezzas da Buffalora cun üna guida professiunala e cun accumpagnamaint dad Andri Poo.

A las 21.40 serra il president la radunanza ed ingrazcha a tuots pella preschentscha.

L'actuar

Mario Rauch